

ՄԻ ԱԵԿՏՈՐՆ ԱԿԱԴԵՄԻԿՈՍ ԴԱՐՁԱՎ, ՄՅՈՒՄԸ՝ ՈՉ

Երեկ՝ դեկտեմբերի 28-ին ավարտվեցին Մ գիտությունների ազգային ակադեմիայի ակադեմիկոսների և թղթակից անդամների ընտրությունները, որոնց արդյունքում այդպես էլ չհամալրվեց 2 ակադեմիկոսի և 6 թղթակից անդամի տեղ:

Ինչպես հայտնի է՝ ԳԱԱ ակադեմիկոսի թափուր տեղերը 6-ն էին, իսկ թղթակից անդամները՝ 22-ը: Ընտրված 4 ակադեմիկոսներն են՝ մաթեմատիկա մասնագիտության գծով՝ ԵՊՅ Պրոտեկտոր Գեղամ Գրիգորյանը, քիմիայի գծով՝ ԳԱԱ ակադեմիկոս-քարտուղար Արամ Շահինյանը, կենսատեխնոլոգիայի գծով՝ ԵՊՅ դեղագործական քիմիայի ամբիոնի վարիչ Աշոտ Սադյանը, իսկ տնտեսագիտության գծով՝ Հայաստանի տնտեսագիտական համալսարանի ռեկտոր Յուրի Սուվարյանը: Այն, որ ղատմություն մասնագիտության գծով ներկայացված ակադեմիկոսի 4 թեկնածուներից ոչ

ոք ակադեմիկոս չդարձավ, հայտնի էր դեռ դեկտեմբերի 27-ին: Այդ օրը ԳԱԱ բաժանմունքներում կազմակերպվել էին առաջին փուլի ընտրությունները: Այստեղ ղետք է ակադեմիկոսի թեկնածուներից ընտրելին մեկին, որի համար էլ հաջորդ օրը քվեարկելու էր ԳԱԱ Ընդհանուր ժողովը: Բայց արդեն երեկ ղատմություն մասնագիտության համար թեկնածու այլևս չկար: Ու չնայած նախաղես հայտարարվում էր, թե ամեն ինչ կանխորոշված է, և որ Երեւանի ղետական համալսարանի ՀՀԿ-ական ռեկտոր Արամ Սիմոնյանն է դառնալու այդ մասնագիտության գծով ակադեմիկոս, ԳԱԱ ընտրությունները, փաստորեն, նաեւ անակնկալներ են մատուցում, և Արամ Սիմոնյանն ընդամենը մեկ ձայն ղակասելու ղատճառով դեկտեմբերի 27-ին չանցավ ընտրությունների հաջորդ և վերջին փուլ:

Ակադեմիկոսի մյուս թափուր մնացած տեղն իրավագիտություն մասնագիտության գծով էր: Այստեղ ի սկզբանե առա-

ջաղրված էր մեկ թեկնածու, և դա ԵՊՅ իրավագիտության Ֆակուլտետի դեկան Գագիկ Ղազինյանն էր, որը և չհավաքեց անհրաճեչտ թվով ձայներ:

Ինչ վերաբերում է թղթակից անդամների չհամալրված տեղերին, նշենք, որ դրանք հետեւյալ մասնագիտությունների գծով են՝ Էներգետիկա, երկրաբանություն, մոլեկուլային կենսաբանություն, մոլեկուլային կենսաբանություն և կենսաֆիզիկա, գիտություն շրջակա միջավայրի մասին, կենսաքիմիա: Նկատենք, որ մոլեկուլային կենսաբանություն և կենսաֆիզիկա մասնագիտության գծով քվեարկվող թեկնածուն Գիտության ղետական կոմիտեի նախագահ, ԵՊՅ նախկին ղրոտեկտոր Սամվել Հարությունյանն էր: Բայց նրան ևս երեկ կայացած ընտրություններն առնվազն մի քանի տարով հեռացրին ԳԱԱ թղթակից անդամի կոչումից: Հայաստանի ղետական մանկավարժական համալսարանի նախկին ռեկտոր Արտուշ Դու-

կասյանը նույնղես չդարձավ թղթակից անդամ, ու նրա հետ մրցակցության արդյունքում մեխանիկա մասնագիտության գծով ընտրություններում հաղթեց Ֆիգմաթ գիտությունների դոկտոր Սուրեն Մխիթարյանը: ԳԱԱ ընտրություններում հաջողությունը երես էր թեքել նաեւ Գնահատման և թեստավորման կենտրոնի նախկին տնօրեն Վանյա Բարսեղյանից: Նա ևս ԳԱԱ թղթակից անդամի թեկնածու էր՝ մեխանիկայի գծով: Դարձյալ անհաջողակ թեկնածուների շարքում էին Երեւանի ճարտարագիտական համալսարանի ռեկտոր Ոստանիկ Մարությանը՝ Էներգետիկայի գծով և ՀՀ Ֆինանսների նախկին նախարար Էդվարդ Սանդոյանը՝ տնտեսագիտություն մասնագիտության գծով: Իսկ ահա ՀՀ սփյուղքի նախարարի տեղակալ Ստեփան Պետրոսյանին բախտը ժողտացել է, և նա կոնդենսացված միջավայրի ֆիզիկա մասնագիտության գծով երեկ ընտրվեց ԳԱԱ թղթակից անդամ: ԱԷ